

cis significatione consulere. *Cic. l. 1. Tusc. Qu. ait, animam voca-
 vi ἐντελέχειαν nomine nouo, quasi quandam continuatam motio-
 nem & perennem.* At non uno modo ostendi potest Ciceronem
 min^o rectè hanc vocem vertisse & sensum Aristotelis minimè
 affecutum fuisse: Nam secundùm Aristotelem 5. *Metaph. c. 7.*
 ut sciens & videns dicitur bifariam, ita & quiescens. Ubi si
 ἐνπλήχεια esset idem, quod continuata motio, ἐντελέχεια
 quiescens esset idem, quod continuâ motione quiescens,
 quod apertam involvit contradictionem. Huc accedit, quod
 3. *Phys. text. 6.* Aristoteles definiat motum per ἐντελέχειαν; si
 ergò ἐντελέχεια nihil aliud est, quàm continuata motio, sen-
 sus erit, quod motus sit motio & ita idem definiretur per
 idem. Quid? motio est ἐντελέχεια secunda, si ergò ἐντελέχεια
 significaret motionem, ut vult Cicero, non posset ἐντελέχεια
 dividi in primam & secundam, quod tamen factum ab Ari-
 stotele l. 2. *de Anim. t. 2. vide sis B. Stablium, Principem Philo-
 sophorum nostri seculi maximum, in discursu ad Tab. Metaph. de
 Actu. p. 49.* Quomodo verò Plutarchus in lib. *de placit. Phi-
 losoph. & Scalig. exercit. 80. sect. 3. p. 300.* latinè reddiderunt,
 vocem ἐντελέχειας, & etiam à vero aberrarunt, vide apud B.
 Scheibler. in lib. *de Anim. disp. 1. p. 1. § 6. & 7.* quâ de re fusè
 agere nostri instituti ratio non concedit. Nos autem cum
 Monlorio & cum pluribus aliis accipimus ἐντελέχειαν pro
 actu; Cùm autem actus sit duplex, vel primus vel secundus.
 Actus primus nihil aliud est, quàm forma vel natura, quæ
 potest esse principium operationis. Non autem requiri-
 tur ad actum primum, ut semper actu sit operationis princi-
 pium, sed sufficit si possit operari. Actus secundus verò est
 ipsa operatio naturæ vel formæ alicujus. Jam dicimus ani-
 mam esse ἐντελέχειαν πρώτην seu actum primum, quod com-
 mune est animæ cum omnibus formis physicis, quibus ma-
 teriæ informantur. Cùm autem etiam aliquod accidens
 possit esse actus primus, (sicut scientia respectu contempla-
 tionis) ad meliorem intelligentiam ulterius tenendum est,
 quòd anima sit actus primus substantialis, non verò acciden-
 talis,